

國朝常州駢體文錄

國朝常州駢體文錄卷弟二十一目

移華館文十二首

陽湖董基誠子說

惜舊遊賦

并敘

泣秋陽賦

并敘

邠州大佛寺碑

三水縣重修學宮碑記

陽湖縣新建主簿署廳壁記

郝篠初南遊小艸敘

書舅氏莊達甫先生春覺軒詩集後

三十六陂春水圖跋

與方彥聞書

荅友人書

至青浦縣與弟方立書

鶴夢歸來圖贊

并敘

國朝常州駢體文錄卷第二十一目

國朝常州駢體文錄卷弟二十一

移華館文

陽湖董基誠子誥

惜舊遊賦 并敘

長安雷次漁所居有荔芳圃植禩花百株圍紅補樓崇碧  
屢障巾屐偶愒曠如絕塵亦勝懷所志也蕭居渺惟輒動  
遐慨追眷維昔乃爲賦云

亂費兮秋凋翦靈蕪兮鬱寥玄露翳兮戢流曜絳英腓兮  
伺迅颯悵之子兮已別橋秦關兮雙曉爾乃瑟廊屨而涖  
級跋欹斜展蒙密縛重蓓而騁妍紆纒支而呈說排玉房  
而飛采掩石屏而鏡光乍絕赫以霞綺亦飾昧而雲襄颯  
姓旭而潛穎曜夕儀而敷章紛往思之嬋娟重子情之慨  
慷孤櫚欲夕遙汀未波涼蓐交砌哀禽搶柯悵陳芳於鍛

景屬絲緒而申歌歌日舉杜蘅今日其隔芳激兮延竚桂  
樾蓀橈兮惜潺湲之難渡重日美人去兮行夷猶湘江秋  
兮湘水悠報瑤華兮千里邇吾道兮阻脩獨消搖以容與  
兮聊以盪夫離憂

泣秋陽賦并敘

粵以季秋之月既望之辰寒飈驟號涼影初戢悲哉黍谷  
吹律不能照幽都之春魯陽揮戈不能駐羲輶之轍耿弇  
冠軍之歲已逾其三戴憑明經之年又涉其半長河滔滔  
逝者如是流晷短短來時大難憂如之何愴可知矣況復  
盡年窮愁非涼燠之可謝故鄉羈旅不關河而亦悲搏搏  
之士難容張儉之家蒼蒼者天孰問靈均之壁僅此寸高  
叢茲百憂松柏雖勁戒驚風而作聲芭蘭信芳應清商而  
改色淇園下礎不辨琅玕立圃飛灰詎畱瓊玦濁涇清渭

異源同瀾白艾紫芝殊根共悴蟲欲招戶乃掘井而及泉  
鹿已走鋌復震雷而破谷士之感遇盍有異焉大塊非靈  
愁之所薄酒無蠲憂之用燕市擊筑先傷烈士之魂雍門  
微吟大短相君之氣嗟乎長卿奇才四壁徒立季子辨士  
十上不行是卽幽渺弗聞亦爲涕泣橫集者矣又況洞庭  
木脫帝子之波幾時貝闕宵寒星娥之館無地常侍秋情  
同茲恟恍黃門秋興無此淒其倘冀燭龍東顧更煥凌陰  
星鳥南旋重迴蒼馭潛然有感乃作賦云

秋雲隔夢秋艸棲煙鼉更欲動蟾采才弦香沈銀鴨談冷  
金蓮烏嘒今夕鵬化誰年於是掩蘭闥而結愴倚筠籠而  
凝睇夜曼曼兮未央愁耿耿兮無際縈昔感兮增歎鬱今  
情兮橫涕恨百緒而千牽腸十迴而九繫爾乃江魚潮沙  
塞雁東西冰漸斷隴沙清平隄灞頭紅樹關上青泥秣歸

長送秦望全迷遠復遠兮遼絕怨復怨兮淒其梁苑驚秋  
江樓作賦長鍊誰歸飄蓬小住紅飛萋楚之華綠暗棠梨  
之樹夕館流螢涼臺肩露榻臥陰蕪塵緘宿蠹吟短廡之  
幽鴻悼枯河之涸鮒荒墟愴舊悲谷題銘秀金支兮同折  
披玉樹兮先零莓落月榭楊柳山庭尺波渟白宿艸番青  
牀琴獨掩鄰笛重聽感蟬仙於元夜迎鶴夢於空亭牢落  
羈人飄搖賤土金散燕臺簫吹吳市狗監長門蛾眉帝子  
荀鐸含辛邕琴叩徵平津則劍墮龍飛隋岸則珠沈蛤死  
韜楚貢之瑇琳徙衡陽之杞梓河梁在苒津鼓催涼謝故  
人兮去去遲周道兮悵悵孤驥暝雨別浦初霜艸綠千里  
山青故鄉笑題柱兮誰議嗟投筆兮何當別有朝雲戀岫  
子夜當筵倒鳳捐佩驚鸞上弦花低錦蓋霧溼香羈壁月  
三五星郵八千柳絲短兮不堪翦蕙帶牽兮空自憐莫不

雪漣洑詠嗚咽沫羅裳肩金瓊神傷摧谷之吟慘暈湘流  
之血幽怨誰多華年逝波偃仰且云樂慨慷當奈何聊消  
搖兮容與願水淡兮山阿

邠州大佛寺碑

皇矣上帝赫日月以照臨至哉坤元翕川嶽而繇絡在天  
則成象在地則成形道熙九野壹壹延泰上之年化闡八  
紘廣莫構域中之極亦有棲真元締結契神區探七寶於  
金臺擷三華於紫府周京八駿摧輪縹緲之峰夏后雙龍  
絕鞠崆峒之館豈若波提東度祗夜西通伊羅則遍種檀  
林須達則遙成精舍昏衢火宅盡魚山廣運之場愛海情  
塵俱龍樹虛求之地是則摺摩休之皮紙詎索冥筌罄宣  
律之銀函難開幽鍵邠州大佛寺者唐貞觀中鄂國公尉  
遲敬德之所建也於時得一永清兼三出震闡闢飛龍之



會黑水銜符風雲雕虎之吟黃塵入夢將軍細柳新開須  
曼之花都尉長松卽是貝多之樹矧復邈規西極遠翼上  
都雞閣識顓頊之居鶉野系新平之治南橫溫宿作鎮名  
山北走義渠平臨大夏東馮祓禱昞永安之故墟西拒阮  
共景通盛之餘烈固知鞞琫徹田之地早啟玄關漆沮率  
土之方先登彼岸爾乃刊崖置塾盤險裁基章雲漢以綸  
連羃煙霞爲丹牖雕甍絕磴虛含列岫之青激水流星曲  
瀉迴廊之白花龕刻鏡靜散天香月殿雕輪新呈寶相結  
璘夕曜俱騰紺碧之華若木晷暉不辨金銀之氣廣苑有  
晨飛之鶴幽林無夜起之烏鏡王日馭款石室之三重師  
子雷音護銅梁之九息若夫瞰邃谷瞰崇巒探窗窳而上  
躋鬱神明而特起碧羅秋漲圍繡壑之芙蓉紺宇春葩景  
珠旗之楊柳霜鍾奏曉寶鐸凝雲仙掌陵寒金瓶益露疏

藤繞壁工摹迦葉之書弱筱吟風韻入維摩之呪會有明  
叔造授柄中官薰胥恢鹿洞之規贅奄廁蠶臺之坐毘耶  
福舍斷妙喜之前緣般若慧門昧真如之淨戒導法流而  
絕注弛釋網以頽網

國家壽宇同熙神圖闡瑞十方動寂齊登大願之船一性  
圓通直造最初之筏優鉢千香之偈說極無邊曼陀五色  
之繩光融厭旦特標望刹載啟祥宮摩松開禪誦之堂薙  
艸置經行之室重樂增構承渥采於瑤光藻井文槐擢清  
英於火齊西山積雨綠上平階北澗垂虹紅流曲檻香旛  
結蔭牟尼繫馬之臺鬢蓋橫空舍衛翔鷗之殿峰非廬岳  
自起鐘煙祠異汾陰常浮鼎氣爰乃裝臨月面景動星眸  
八平七滿之姿千輻三輪之像銖衣颯纒參密諦於離塵  
金鎖銜連護慈根而不壞百寶擁青螺之髻雙珠通朱鳥

之眉琉璃宛轉然阿耨之傳鐙瓔絡華嚴禮毘婆之挂錫  
用是大雄建號平等殊觀芥子現須彌之圖東葉關閩淨  
之境三千世界尋掌上之波斯百億由旬隱毫端之忉利  
滄海則細合金粟恆河則幻數銀沙酸摩兜率諸天最上  
之尊聖果伊蒲四部無遮之會豈直湘宮十級拔地嵯峨  
珉谷千尋千霄尺咫已哉康熙四十二年左布政司參政  
黃明率知州王世爵集議重脩迄今百二十年甲子再周  
規模漸替前署知州事喬漢化國維夏宰官晉度倡薦紳  
之夙願鳩梓匠以庀材樸斲方勤瓜期已代知州吳玉堂  
宏暢無生之業更行不舍之檀涓選攸成經營勿亟始於  
嘉慶十九年二月至二十年六月而工畢基誠薄遊三輔  
小榻百泉聽淸梵以明心慧神香而盥頂榻來初地乞種  
靈根庸託寓言敬刊樂石臨雲漱雪優填避席之詞辨磔

參珉淨住信門之頌皇過夾澗合功德而常流原嶽胥居  
築藩籬而永固同貞陵谷式炳丹青平皋結轍先摹錄事  
之碑舊塔流鈴待勒開元之記州城西南有開元寺亦唐  
觀中建今浮圖尙存

三水縣重修學宮碑記

代作

國家金鏡徵文玉衡攷曜升胄子之牒戶守經師覈茂才  
之科歲登里選是以十教同俗環林覲茲上儀三雍觀成  
橫舍申其景燦國學鄉學其揆一也三水近翼上都遠控  
西極膏雨流澤郇伯奠其封扶風配京幽鄉宅之邑周微  
中徹夷庚四充柳谷蒲谷窻窳鬱其神明皇澗過澗沿澗  
蘊其渥采鋪觀漢唐爰暨

昭代文物踵懿邇無與倫采采鼓篴肆南陔之笙青青子  
衿下新宮之管道一皇輿之軌人飲泰初之醇唐弓三合  
抗雲而節蘋繁曾堂九成告月而儀絲蒞祚祚焉莘莘焉

葢百七十年於茲矣義燐屢遷平城非古兩楹之祠未替  
數仞之牆已窺迎年獻籥簫篋業夷於襍縣朋酒酌匏瓊斝  
虛於典器非都人士之恤良有司之惠與夫綏懿停典以  
印鏡聖儀者嘉會之貞也振馨崇哲以連塹來思者明德  
之應也在昔魯郡作廟思王頌其緝熙兗州升堂仰璇璣  
夫潭化東鄒景烈勿忘恭文南國靈光爰溯叔毅矧乃車  
服禮器爲容諸生之家鍾磬音符尊琦大人之意莫不躬  
憲鴻藻佑昭邳文知縣張雲龍章志貞教絜誠明禮懼開  
化之漸堙戒經始其勿亟迺於嘉慶十九年三月率縉紳  
耆老集資重脩閏六月而工畢斷度尋尺閭闔壯其宏規  
陽陰曜臧春秋勛其匪懈凡夫山雲水稼之尊鳳節蠅箋  
之譜方圓辭魯之鼓蒼白莞蒲之筵陌如奕如實究實備  
某陳臬茲土弼教攸司上維泮宮淑問之頌下緝甫荆祗

德之訓嘉乃有傲思與維新會拜

命東邁宅藩南交召亭之舍方移李宰之碑得建爲刊樂  
石俾盛前楹亦將以潤色

隆治光闡夫元包束脩後生懋奮乎演迪也是爲記

陽湖縣新建主簿署廳壁記

代作

傳曰天有十日人有十等是知收圉至賤上却乎卿貳君  
公至貴下攷乎輿臺況一命受職蒼姬頒其儀九品中正  
當塗定其秩河海澤千里而尺蠶之波不厭潤也崑崙息  
九重而一成之坯不讓高也未有謂汎濫易挹遂緒之使  
塞培塿可越遂緒之使平何哉流之不沃抑積之不隆乎  
陽湖縣主簿者湖中吳作輔肇分釐於上都迨南蘭析封  
庸永隸於新邑

武進縣故設主簿一員雍正二年分武進地置陽湖縣遂改隸焉

歷九十

年未建公署余宰斯五載經始踰時就縣治東偏拓地十

笏築堂三楹發帑七百有奇庀工六旬而竣嘉慶十有七年歲次壬申六月丁巳也藍田故丞曾有哦松之記韓城少尉非無銘壁之詞當茲落成爰貢宿慨在昔媯妣而降羸劉以前畫壤僅規以圻咨秩未悉乎百比保閭約有繩檢之嚴里宰鄙師有疆理之寄自殞絃日恢閭閻日遠二十八舍拱天樞一星八十一州衛神皋片土蕃宣上公都典劇鎮一介馳傳呼之而卽來尺木削符投之而卽去經制動靜之路授自中禁幽明黜陟之柄誥於法官拜節杖鉞薙一毛而必誅纍印若綬爵一土而已潛大僚第識奉己未秩益如具員夫縣有主簿古爲糾曹追胥以從簡書蒐慝以憲荆象桀黠武斷懾餘威而墮魂王侯替尊會主名而入籍以今視昔殊絕異然或一事不名或百司勿問以愉緹爲守職以勤勤爲侵官尺寸無藉違策賢勞委蛇

取容匪數才意錢穀會計之細豈日未知刑獄擊斷之能  
誰謂不逮既無恆守亦無與聞責及鈐鍵長吏輒糾其專  
罰止鞭箠豪右已許其酷方伯連帥是焉遙臨監牧守令  
抑又密偪後顧則前躡右挈則左牽一蹙百傳其徒必逃  
十主九奴其室必亂奔競眊於形勢迎候倦於晨昏鈴閣  
晝靜屨恆滿而不開官版襍投日垂暎而不召陵躡作勢  
者曹然坐雲髻慄希旨者媿且入地語乍脫而復咽席頰  
起而不前流盼偶注謬邀寵光戰髯乍張乃已怖泣甚至  
儼從賤士懼如弟昆僮昏下才縮以朋好喜則弛其閉檢  
怒遂羅爲是非茹悲忍辛踟躕地步又胥徒師師勒馭失  
術窮鳥靡託雖思投林饑鷹附人詎識戀主餽豢尙勿之  
恤福威亦胡自行抱牘直前偃蹇萬狀詣案甫退誓誓百  
端恩煦慈畜則獫狁不馴理論法懲則狐鼠立散矧三釜



奉薄一囊粟空北門之譴已傷東陽之居弗昔零粉在壁  
棲塵在梁春歸燕而墮泥秋流螢而弔露地非三徑蓬蒿  
不除宦逾十年黎比莫給致使閩偉之彥拱杖長辭曠達  
之流拒闕請絕誰爲爲之良可吁矣山陰傅君神銜外銜  
元鑑中叡無公綽之欲有孫叔之廉埃場匪嫌鈎錄勿懈  
余嘉其和不毗俗簡不曠曹鵬鵬之運感起雞棲龍駭之  
羣招同豚笠後有君子不承權輿我思古人亦克用勸爲  
刊樂石盛之前廳凡夫領赤牒縮黃綬在此堂者尙敬爾  
官亂爾政毋以塗路所局卒驗余前說也前任若干人姓  
氏悉次於左

郝篠初南遊小艸敘

夫尺版所載隸方輿而已周大荒二云遙積跬步而咸達使  
環寓息汗漫之觀則殫絃疑隘矣拒關絕巖壑之勝則叩

鉅同廢矣然而谷汲川釣無與於采覽樵吟棹謳亦乖於  
南雅若乃陵雲負奇六合橫眺登高作賦九能獨名別有  
極壯夫之槩備才士之樂者焉郝君篠初世襲通德學窮  
結繩竹素之思抗希乎萬卷桑弧之志先徵於四方歲在  
重光協洽薄游吳越間箸有南遊小艸二卷詩逾千首指  
非一端要其大歸約有數境方夫峩關旦開流軫塵合星  
橫曉而無景月墮宵而有聲紆眇百折鬱盤靈虬驚沙十  
尋冥襲沈霧原艸初翦輕翰研紅湖邨半荒叢菁圍綠蕒  
麥交隴訝故園之已春菰蘆結牀棲羈夢而亦冷此一境  
也北籬鄒魯南捐金焦鶴學仙而畱銘流記方而浮玉十  
里五里時間花香朝陽夕陽互搖紺景石劈而瀑懸白谷  
煥而落點青傑閣千尺排長風而枕虛枯僧兩三戴明霞  
而返渡拱袂捫斗開衿邊雲空宵一吟響落欄雨此一境

也海日初上江湖漸腥雲雷滌乎尺波龍龍束乎一壑駭  
鯨軒沫高逾危檣長鯨鼓鬣森列飛撒激浪落石馮夷之  
宮亦頽迴湍墮星海童之首欲碎靈響紛逗東西迭滄景  
光襟翰青紫莫辨此一境也春來湖畔盡處東風人到江  
南都饒雋氣隔綺樓以選夢翦銀燭而燒愁點筆橫黛祭  
花有香飛翰灑衿漬墨都暈至乃字結珠密篇披瓊鐫楸  
蘭之同心自馨雲霞之儷藻彌縉隻韻哦絕侑金卮而三  
巡寸牋傳來圍翠袞而百諷此亦一境也漢公孫東閣留  
賓陸大夫西都宴喜羣玉羅藻之府大雅環絡之場今兩  
舊雨分荃贈題大山小山叢桂招隱洛下秋讌非車公不  
歡梁園晚遊惟相如居右時或餞舊南浦問尊北園綠水  
波而知春白雲飛而念遠參軍寄妹之書渭陽送舅之什  
秦嘉報徐淑之詠山公致叔夜之牋良緣至情別本感遇

此又一境也豈知代北之驥策炎微而振嘶越南之禽陵  
霜飄而頽翮華年惜其逾邁來日嗟其大難仲宣之憶吾  
士登樓愴懷文通之去故鄉吟笳屑涕心之憂矣慨乎言  
之蓋朔海遊倦豪氣未除江關思深壯歲早動殆可感矣  
僕十年讀書千里結客方州且躡其五巨瀆遞杭其三然  
乃攜屐蓮嶽闕帝座而誰通聽濤龍門滌崑源而終閱峭  
谷躡險未竟百二汴京訪故不畱十旬省君贈編縈我宿  
夢爰綴之敘俾弁諸篇至其蓄韻幽妍攄古鴻列是則越  
客餘戀鳥吟亦助其工吳都旣成左賦猶恨其略有識知  
賞非所稱云

書舅氏莊達甫先生春覺軒詩集後

凡先生所著詩八卷手定者四卷續編者四卷益以無名  
氏詩都爲十卷若其刪理切心罄思結象寓載筆於長言

存主文於大雅鍾球在縣自異凡響布帛在御不求受采  
與夫跬步襲古聲帆飾俗者軌轍既別亦性情各歸焉蒙  
以弱齡逮承異跡進厥羣從之列勩以絕人之程南陽月  
旦首數長明琅邪文章獨歸孝綽廿年乞太傅之墅五字  
愛惠連之詩每當星晚爵行春寒鐙地墊雨之巾微脫落  
葉之牀半欹鏡影髮而生霜劒澤首而警露輒掩卷相顧  
日吾殆衰矣編審之事其累我甥乎於虜風雲駸駸色笑  
晏晏而隅坐之燭未執於易簣夏屋之版已鞠於陳根山  
庭楊柳無復夜飛之烏華表蒿萊獨下秋穹之鶴滙陰鑿  
楹之書尙貽乎再世范陽知己之傳重慨乎平生保此一  
編斯與終古又况梁蔭已缺人倫曷歸先民有作待刊有  
道之碑來者云誰空誦靈光之賦中心恧擣不任愼然

三十六陂春水圖者明嘉靖中仁和金公賢署高郵知州時所作也方夫隄防日墮潘渚罕備平阿譬社弛提闕之禁石梁秦蘭昧釀注之利公審地推岸置門節流場十二之澄伐三谷之石塞長芟以恬波下泯柱以洩滯又復築洪澤排康濟鍾水豐物漕軌徹其蓄堰亭瀾瀆田神腴覩其通演雖蜀郡離堆之陂熒陽沈棻之堰淮南謝公之埭晉江尚書之塘鴻稱懋勞方斯蔑矣公膺山甫之德美召杜之化初領劇郡屢刺方州吳會策夫榮名秦里覃其閭澤其致治也徹鉤距於堂階振頽綱於次舍肅秋霜於叢棘煦冬日於枯芟采輿人之謗謠通邗理以宣化用能察燭省爽布漢豈弟井竿安而業興榆籓鞏而生殖所施之政百年而不敝既往之思一日而不忘昔浚儀圖畫共仰陸雲桐鄉奉嘗獨爭朱邑子香畱題於江介樂公立社於

燕齊竝飫德在心道善盈耳矧公恤隱除慝灑沈澹灾納  
隍之軫怒如重飢剔鬢之澤縣及奕禩迭緬遺愛尤光往  
烈哉九世孫內閣中書應麟既論撰家傳景燦前猷復出  
是圖屬跋其後基誠透遲淮海溯沿邗溝慕田叔之涪風  
識文翁之上治扶風亭長爲言芟舍之棠杜陵男子泣聽  
統如之鼓每欲述講德之論銘樊惠之渠小文自慚景行  
眇覲獲徵寶繪永貽遐徵河隄謁者宜刊王誨之碑鄴城  
賢令爲第史起之頌庶使豐規不愆來哲用勸也

與方彥聞書

彥聞足下歲序欲遷幽人先覺闔門窮居累廢旬月獨夜  
祛寐雞聲膠階陵晨發書鼠跡三兩蒲寂自喻笑言誰歡  
榮阿憂思當正相類居近北郭日光滋寒丹曦披林霜體  
如雪離離作華當午餘白高梧過屋葉旣凋盡風起而地

條能作聲時復窺戶見月軌喜迴睇隻景乃自傷悼亟遁  
入室幽然一燈青熒裴回益墮遐想十步之外動躡榛莽  
一息之內遞番陽秋倫好詎誦婢僕匿笑誠足悲歎不可  
說也昨醺薄酒擁被僵臥寬慮恂怍夢登於天霞飛屨輕  
風厲目賊星小於卵攬不盈握雲平於楮厚不逾寸更上  
直視天關蒼龍吟驚靈虎瞰裂膽上將關闕鉤被欲搏  
雄神彎弧斂手卽射臨睨六合悄乎憂人螻蛄纍纍衡廬  
東西蟻巢啾啾蠢動什伍培塿崇嶽橫污百川烟沈睨開  
點列危堞稍復眩轉乍障氛霧周流秀皇神失常舍忽又  
竦躍翩若墮翼嗚烏一聲遽然悚悟瞳目四視姓瞰微微  
一再以思心骨俱戰嗟乎塵世似海入之卽濡孱軀如毛  
持之不定況壽非金石應時終流質異松柏望秋當落蹙  
蹙今日偏期未來冥冥彼蒼豈云可問涼燠幾閱已無此



人千秋之謀何苦不早扶風傭書投筆非棘我身之生知  
有定遠乎金自躍冶俗憎不祥鼓非叩桐響懼終闕不有  
足下鄙懷如何窮陰戒時爲道自愛勉求脩名幸勛光采  
荅友人書

三月三日基誠白比維動履勝常眠食無恙造述開美蒐  
討勤富彥昇經笥永和書城靡足羨也昨者不遺辱荷枉  
示慰喻之篤藻慮之密溫若嘘露爛如流曦披觀再周忻  
悚交抱夫道有齊軌薰蕕契如椒蘭悵有殊致几席曠於  
楚越是以涉衡岱者難以躡培塿導溟渤者難以問渟沔  
經韶繇會雅鄭特殊其操纂組同工朱紫各辨其采合抱  
之璞不施構榱徑尺之寶愧飾珩瑀物從其類人擬於倫  
流品之別斷可覈矣夫絳衣約教日行日文玉版升書日  
道日藝苟資儒臬莫踰兩途詎悟咎徒沿滋十失汨逐塵

鄙焚鴛庸近守俗尙如桎梏儼陳編以揣摩越代而上盡  
皇媧之無稽一經之餘悉宛委之難辨飲鼠之量測不踰  
勺巢螟之睫燭不盈寸雖青紫其鞞佩實黜漆其神明其  
失一也蠅營聲氣蠅慕彬雅竊浮譽爲保障託勝流爲附  
庸一字吟絕已庠風騷五言哦成遂詔蘇李述德抒咏貢  
袁楊之門乞人裁屐行許史之第謬主詞坵抗邀賓榮芳  
華一收零落俱盡其失一也見域鄉曲矣參訂謨識周戶  
庭遽闕時變薄文章而談經濟捐法律而泥詩書膠柱鼓  
瑟徵宮詎融戴盆望天苾艾莫測發策駕儀衍握牘慙吏  
胥疏効痛哭何知治安書名至言不辨秦漢其失一也迂  
論誣聖抗袞稱儒范飛冠而恆峩蟻紆步而頻折牀第晏  
晏諷闕唯一章几筵盈盈行燕禮百拜以敦古處幾亦物  
祇其失一也百牢之味越宿而不珍千金之裘觸暑而詎

御蓋時會無竝揆卽沿襲有異宜如躋昔違今局前蔑後  
懷葛艸昧則虞裳亦乖辛陽讓賢則焜統亦閏人近古而  
入聖世方來而益漓瑚璉可賤當仍上陶皋應可頽忽改  
編槿其失一也涼燠僭序在時爲災中和易宜於世惟戾  
徒脫檢以作達將蹈瑕而喪生次公入座方醒亦狂漁陽  
弄輦三提輒厲瘕矜豈第嗥日山膏亦知詈人又或幽渺  
自悼牢愁無端若未秋而泣凋權纔朝而告謝鳥豈思越  
乃耽哀吟非不囚秦預成孤憤蒿竹無歛愉之響欒桐有  
懊呶之音惡云達懷多恐滅性其失一也若夫聖作哲述  
微烈俱芬彌質釋文條榦咸邕不審中轍亦叢弊端或探  
襲險與張皇詭譎雲亭奇字三寫而益訛龍威素書尺蠶  
而逾寶軒典義策汲冢同誣乙筆丁觚贗鼎貽詐其失一  
也膏肖墨守箴石靈瘳帝虎魯魚章句必核編纂則近典

會鈎校則如簿書日若稽古釋者二萬言大哉乾元訟者  
三百輩張喙鼓舌逞爲鑿空之談窮年畢精彌滋蔑古之  
懼隻字未晰闔棺亦慚覃思已疲勤學則拙其失一也復  
有義主立言旨存返璞規渾遠以申誼拚藻飾以謝華賦  
餅滋陋轉嗤陵雲艸玄未成亦悔篆刻謂若古有訓勿矜  
侈觀謂儒林丈人勿事文執虎豹畱韓何殊犬羊麀鳳匿  
采孰審磨雉其失一也被綺繡者遺麻枲之功厭甘脆者  
卻苾稗之薦秋實先撥春華獨專縟采等墨豬之嫌務博  
貽疥駘之誚漁色三百究慙綠衣選犀億千猶屈白戰連  
狝鮮據瓌琦奚爲其失一也至於人偷鑒裁晰剖何易一  
孔自曉五惑緣生彼玉徽金銑拙目瞠迷折楊皇琴下里  
嗑笑郢客不識眞鳳葉公特好似龍此一惑也翹盼遐矚  
遺倫絕羣問龍伯之境專車侏儒過頻斯之鄉扛鼎痺廢

又一惑也慶朝作賦託相如而得名雕龍著書謬休文而大重洩臧否於時譽徇激揚於貴游又一惑也挾一隅之見存求備之思上第董相策長沙以天人授簡仲宣責孔璋以辭賦又一惑也契分疏戚視爲瑕瑜毀譽重輕施爲報復羊左夙誼咳唾亦恩殷劉世仇排擠必力又一惑也綜此十失重以五惑大雅永益徂寂蒼才日方競鳴大地廓廓蕭寥如斯深山木豕豈云闕絕努力請設公叔之所賦詩裏足長鶩孝標之所著論撫此身世將何去從哉昔嘗躋太華馮中密俯方州於點眸攬羣彙於一瞬長壑橫帶流日夕而窺迴荒梧交阡弔冥漠而作謚去日已去來時未來詎生其間乃得吾輩知我愛我不詳誰何今人古人同此面目況治產萬頃容腹一升菘居百楹息景七尺蹙蹙俱盡營營何求所以墨跡未舍更爭箸鞭義輅不居

亟戒炳燭者方冀五百年後尙結冥知三不朽中希聲太  
上特未識遺集盈篋覆某氏之楸崇耶一碑墮伊誰之淚  
百柯亭之竹靚知音而効材豐山之鍾協清節以呈響鑿  
納覲縷是期同岑弱弟入關尙滯音耗此子幼絕聰悟卽  
其所就斐然可裁饑來驅人曠此歲月如何如何君客浙  
右我居江東長流百盤尺鯉可達念我引領寵之德音炎  
風來時冀展良覲相見尙遠眷懷彌勞辭不宣心萬萬自  
愛基誠白

至青浦縣與弟方立書

星昴南指客飄北旋居財淡辰復理征棹時炎景初散驚  
飄乍號沙汀不波霜葉全脫僵臥蝟縮哀思唧吟煮冰餐  
寒枕流澣夢不二百里舟行益艱風引欲上潮落欲下作  
力逆輓屹如移山一夫百呼寸步尺晷設復脫去駛追流

星中心搖搖倦不成寐悵別念遠勞心如何江月下弦始  
 達青浦縣當郡衝水陸直進無重關複圍之限無經日累  
 宿之勞歎江欲湖腋吳肘越在昔周季置長水縣始皇東  
 巡望有王氣斲掘淫洩踵名由拳乃知龍虎騰采未驗於  
 天象斗牛燭精先妨乎地脈長圖壯思郵爾息矣自縣而  
 西是爲長泖圓泖綠其旁大泖泄其後極眺無岸下臨有  
 天抱雲十圍帶虹雙市品殖紛衍難可紀數菰蒲栖煙葭  
 莢落雪清鱖濁鮒晨鳧夕雁殊性各樂是焉浮游仲秋旣  
 望迎濤湖頭雷雨盪於空霄竈鼉竄於尺壑法泔汨汨如  
 震如怒詭掣六龍迅瞥孤隼注流矢激閃電顛峩崖裂虛  
 谷覽不亭矚神不注形玄沙爲之聚飛怪石爲之怖立指  
 顧倏忽迴光偃靈滌汔乎新涇遺沓乎申浦解會往復厭  
 陔就夷素精內涵激景四徹倒瀾寫青翔陽墮黑來莫捺

其始去莫躡其轍也東南排九峰景亦清麗曰鳳皇曰厓  
公曰奈日辰日辭日籛日澗日盧日箕負奇矜雄互相軒  
軋而其尤者歸之奈山穹窿百尋袤延九里石闕雙峙守  
之神罷幽靈去來開以一綫花氣叢翠巖光射藍赤霞飛  
來澗盪莫辨中有奧宇翼臨招提結域中之眞樓拓塵表  
之別構傑閣翳景危樓陵虛環巒障之時露一角望舒西  
暉都成金銀若其東開但見紺碧均足開朗神慮灑練煩  
垢也及其觀海門之陽候學潭之月榻鍾山之樹徙孔宅  
之梅訪香亭雪亭之遺擷蓮湖瓢湖之勝攷之有竟歷之  
又靡窮也若乃遜抗之所發迹機雲之所流譽季鷹彥先  
之所超逝愷之野王之所棲止長睇遙嘅裴回移辰鬱陶  
在心類仰滿目瑣瑣一世滔滔千秋今人古人曠面絕軌  
抑又思之火齊之孕清淵吐華夜光之產太璞含潤昔嘗



陵大河跨喬嶽軼鄒魯極雍涼天圓地方不盡一瞬斷蹀  
鐵翻遭延此都川靈山其何以處我亦欲使數君子者申  
易代之冥契感寓公之嗣音也孤館困寂殆難爲懷聊攄  
遐思兼述新睹意緒糾繆不詳所云相見有期縣企不旣  
鶴夢歸來圖贊并敘

鶴夢歸來圖者吾友方君彥聞悼亡之所作也流碧交砌  
霏紅繞廊傑閣橫路繫春陽而不暉叢臺亘雲冒秋蕪而  
誰翦殘鏡無景空牀有塵琴絕絙而尙陳燭滋淚而欲斐  
擘練橫丈悲抽獨繭之絲潑墨盈斗疑暈夜鷗之血悠恨  
靡釋中神永傷然乃圍幄嫺佩新宮怨其來遲宵殷參闕  
後庭冀其幽覲高唐之雨初歇洛浦之珠復還斜日短短  
隔神光而裴回午花陰陰流香澤以杳靄石細涖潤裴羅  
點青煙沈露溥鬢翼疑沐今夕何夕魂歸未歸鶴辭市而

已仙誰非橋而亦渡夫萬楫代謝收舜其而先零百年誰  
期豈并梗之可合況皓魄舒曜已愴黃昏逝川駛波瞬迄  
東注愉戚幾易更非此生居諸不畱遑逆來日乃知少府  
之誓不娶南華之悟無形揆匪一也彥聞旣成斯圖乞係  
之贊爰敘以廣其意云

朗月嫌晝白雲在天是邪非邪靈兮其仙江浦之佩秦樓  
之簫靈兮歸來秋激夕寥寒繁訝晨高杪迎曙流颺有聲  
幽夢何處

國朝常州駢體文錄卷第二十一

國朝常州駢體文錄卷第二十二目

蘭石齋文二十首

陽湖董所誠方立

西嶽華山神廟賦

并敘

望千里賦

并敘

對燭賦

傷逝賦

并敘

武功縣后稷廟碑

興平縣馬嵬堡唐貴妃楊氏墓碑

五十三家庠術敘

長安縣志敘傳

送洪右甫敘

方彥聞鶴夢歸來圖敘

雲溪樂府敘

華蓀館詞敘

石鼓文跋

書春覺軒詩集後

書陳丹崖畫冊後

與方彥聞書

荅方彥聞書

與楊紹起書

遊牛頭山記

林太孺人誄

國朝常州駢體文錄卷第二十二目

國朝常州駢體文錄卷第二十一

蘭石齋文

陽湖董祐誠方立

西嶽華山神廟賦 并敘

華山者招拒之下都顯紀之時囿以雲陽局陰攀察萬物  
雲霏雨濼汎布上下靈示焄蒿權輿生民故有能會其羣  
神姚媯覲其西后夏經嬰以珪璧周禮祀以兵舞其廟制  
鳥奕萌抵有漢世歷于祀饗格弗隳蓋以憲章元穆奠軌  
星宿終始四九金德之統余馮軾西征謁禮其下見夫層  
構巔芳幽宮旭卉目貽神詭震澹永日爰託篇翰爲之賦  
云

伊大化之挺植息一無於二氣圍精運而上霸方祗搏而  
下墜寓神皋於弇州配少陰以執契鬱華嶽之靈圍秩西

宅而司屬于時白臧受謝神該効律萬物芸黃其華駢黯  
其實乃崇明禋報本反始百犧百瑜或縣或展書有望秩  
之典禮有生植之祀盛致美之敬恭疏爽基以卜時爾其  
畛域則參井之交兩戒是經旗旂散其華鉞質寓其靈封  
狼敦圉而睽陽朱鳥頡頏而砰獠東有峭崿重險黃巷之  
隘詰屈偃仄穹隆堂防出坎入窅一陰一陽西則廣遠高  
陸邈邈洞達八期九遠方軌軫轄駁禡輕鴛驛勞輻輳南  
則崇山巖嶙結霓隱天重巖累隔曲岬宛壇率岬屬其誦  
樓詭連掣爾上截句胡轟援巨蹠盤踞矍陽紛戲夫容苗  
蒼韡韡猗猗日月繫其房的枋北斗而爲茄北則洪河湯  
湯太白所都泮渭澗洛異源同輸碛錯礧巖疏薄墳壇溫  
汾潦滴規轉萬趨擊厓蹈堆澁湏澎淳孫紆厥躍雷甸火  
沸灑漾冲融羈馭潰瀆蹠蹕寸卻奔溜踵至濛濛駸駸天

滿無外爾乃審曲面覘構極甄三選陸博置萬象一含故  
觀其郭郭之制則亭亭若若隱隱嶙嶙巖峇嶙嶙嶙嶙嶙  
岫睥睨密比巖華洪紛菑蚤肉而不齟幘牙抱而成輪增  
盤層高靡迤澶沱螽旋蝸懸倨角作銑霽然風折宛爾雲  
轉上則角樓崔嵬坳坳積葑二四八六環已共戍壘累重  
益舛互駢填上下刻削東西提延陽烏運于清宸見旃羽  
之翺翺平眺頰矚無地有天如閭風之干北辰鼓鐘之衛  
帝館也乃憲紫宮太室匡衛十二以爲祕宮承龍心於明  
堂帶壁壘於上墉高閣有閭闔以祝融五門竝啟蹇產鞠  
崇燦關中企流火凝冬闕素閣于皋稽鬯青陽于谷風門  
臺諺以岑塢臘重陽而踞峙承駁赧于上榮颺焱悠以紅  
翠五鳳秋其振翰遡霄靈以容裔樞星金城複閣重闌飾  
以大朱堊以石脂鬱乎若翬飛鳥跂霍釋而紛泊又若鱗



昔齒次插搗而參差于是陰陽壹壹羲璘回旋龍訛豹淪  
旗揭旒翩樽樽晉晉連拳而爲正殿挈貳抗梁以灌渡機  
槍奔雷而爛熲玄龜裊柱而鼉夙神鹿播節而旣翥枿柎  
紛糾交閱積沓莘莘總總周盤磔磔若意密而體疏終支  
附而膚合馭遺風以下追韃岑累而相聶陰螭衙衙膠流  
負阿明月承吻官窠倒華髹案絳稅反蒂芩葩間以蒼藻  
襍以茭葭離實春井翕翠秋波重屋四注絲以槐相浮柱  
承欒緋纒縷縷崎垂繭縹四極炕罍眼窻鞞鞞屈已交午  
絡皮櫚與方連錯鈎互于窠藪爰有牝皮牡甌蓋戴傑池  
繡燭黼粲六章流離登天光于朏明曳冕延而孕奇建木  
四照秀華金支琅玕璘漏翡翠葳蕤珠被齊光煥黃紛披  
宛軒孔翥倏眸回馳闐爾雨散隋成朝蛻瑰珍詭狀惟意  
所移放惠須搖從望而迷排飛闥以仰瞰心愕怡而佛懼

神汎滇于柴廡。憇猓而萃。隨復奄留于焚。撩魂稠。裁以  
掣曳。攀疏櫺。以跂竚。窳窳。杳其無際。降旅庭。以常羊。又塊  
圯。以靡。既離朱。瞭而眴。昧都盧。僂而駢躡。爾乃顛靈正位  
方示。敘倫崇金天之穆。皇象泰壹之威。神龍袞。邃延昭明  
三辰。弁瑤光於綦會。組約約於衿袷。精旆豎。殺而喬。雨葩  
瑤琴麗。而莽雲威。震震以燭燭。赫獻飲。其若存。五精帥。摧  
八神。拱侍句芒。龍棄禺彊。蛇珥蓐收。典鉞紅光。所司禺兒  
祛衣。以斐。逝方皇。弄野而睢睢。師師。遂遂。二八連臂。豐霞  
鼓車。以夾坐。馮夷從風。而爲衛于後。迺有溫房。涼館。閭宮  
邃圍。鑲金綴。砥疏蘭架。宇蒼瑣。設門。羃以珠。舞玉女。媿倪  
而遞代。金妃。要眇而參伍。大帝之靈。于焉興處。遂乃曾臺  
微。緣以秀。延石。磴嶮隄。以上屬。嶷。釐迫側。岫。素頰。珽獷爪  
銜牙。窠。錢覆。鍍重足。累趾。匱。劔扶服。跟。削首。剝。跪。踣。罅。蟻

陌灑馮宰瓠詘駭悸沮汗滲漉喘絕復歎螻卻蟬仄拾級  
而登者蓋以百計迺貫倒景絕大鴻超野馬浮蟻蝶舒息  
輟節撤乎萬壽之宮神岳蔣蔣爛炤真靈懋會懽甬天絳  
杳冥日夜出雲光景焯熒干變百殊晷刻歧形或霄霏牢  
落匹溢駱驛微奔象逸半散邈邊太行恆山浮混礪石或  
糾屈嶺密蚪結鶴立左招右索摧唯翕集專專默默似有  
於邑或份郁亂費景炎扈煌赫戲叛換羽旄殷芑還照濛  
汜啟明銑光或神昧鬼杳霾瞠魁暖造象太極赤萌表裏  
胚胎殷虺泊若下海或猗儻婉嬋綽約脩媵乍首乍背明  
睽微踰忽如有思曲障迴裾或狝齠噴勃頰頰恂恂土囊  
崩車湧鬱巖鷲賁星寶芑魚路浪騰然後沖漠滯深收華  
閎曜歸神元始臧象大幃希夷頊洞姬母萬竅其左右則  
飛閣流丹中庋仙經碧簡赤文守以六丁五千三洞洞元

上清兆朕太元延康赤明神策百二華蓋黃庭虛非馬  
亢倉無名金虎白龍參同元英先乾蒞氣後坤反形真誥  
祕符煥乎增城迺有馬明脩羊叔卿子先葛越壺公洞明  
自然西河歌而嚶咷仲甫飛而躡蹻韓眾駕鹿以子蜺茅  
濛取龍而蛻僮元方鬢髮而遨嬉毛女纖纒而騰翬實列  
仙之攸宇總無上於諸天子是降墜道步中唐汎眺四周  
而巡回皇乃有沈泉涓澮清泠紆餘互望神之虹梁象雲  
漢之荷衢翔陽浴其東界金樞浪於西隅觸賢成沼過窳  
爲渠晶沙雪離鏡萍星鋪頌首頰尾謹聲唵喁外有神荼  
鬱壘之殿朱索茱萸魃頭四目甲作凌遽黃父閃倏聖母  
桔耕父糧靈保儻歌赫拉蠹炁若乃豐碑穹崇樂石之府  
與夫御香祭器省牲易服之所耽耽翼翼鷗饗祚主式禮  
苾芬鼂萃振古揚推庶彙明其羣生茫端渾竟不可殫名

木則松栢樅檜貞朮守宮鼠梓虎目白松赤桐森葺泉穆  
輪困離奇翳椒喬檄扶疏癭魁數儘朽杖捎擢苙虺刺天  
離陰閱地沍陽作鱗句羽之而聶炕藪中扇風調竿笙簞  
軼茂鄧林齊蔚搏桑結根太史稟元攝提歷部揚華閱統  
翹支邁奇齡於九頭何周秦與漢隨爰有陰火兔伏遊氣  
成絲琥珀威喜神菌華芝燭耀乎其下鳥則舞鶴二八獨  
鶴雙鷓烏鷦白鷗旦鷓晨鷓颯沓湛淡奄薄縉翻其有鷄  
鷺鷄雛狂鷓肥鴝鬼車十翼奇鶴九頭魅伏躡行怪歌哀  
謳瞽聃乎其上下竹則綠籥篳篥管周以楯闌扶根案節春筍  
冬筠密止稽露疏中闕雲構參郟曲阡眠檀樂單體纖肌  
冰爽霞鮮笄目空實同稱異源艸則萑萑汜濩離靡菝茂  
帛帛布布異艸陵糝攢榮飢葉習翠菲青確扈般爇幡纒  
精瑩采純綠陂爛錦被町嘘芬穉鬱醜醉薰馨藥則黃精

赤芩勤母文無細辛大苦薯蕷蒞蒞胡千年之苓九節之蒲  
蠲痼辟癘泄暑調寒桐君俞跗舌爽未單果則三色之李  
五沃之桃紫灰燕支緋碧縹緗來禽日結文杏沙棠猴杳  
燕梅擘甘鱗芳若榴別房而攄丹嘉栢遊蜜而飛霜百物  
蠢育形性慌甚蓋天地爲廣大也惟茲山秩其成細縵玄  
黃將受厥明負反景于西海傾六幕而留精歇緒荒末開  
顧隆期值九六而遵晦應五百而光飛是以商秩漢祠視  
三而弁七唐宗感生而震夙明帝夢遊而悚慄秦壁返而  
新墟終胡緼而莽漆肸明爽於嘉兆邈元會而若一於赫  
大清啟命維新粵若

聖祖下武配京當龍飛之六七握神矩而時巡致殷薦以  
精嚴儼上赫而下明謨睿慮而摛藻紀隆祥于天慶登格  
皇穹榮鏡萬靈故師牧敷其光奕葉闡其業嘉瑞阜殷而

廟兒有赫也遂作頌日巖巖崇居格嶠峴兮經宛窳寮靜  
閒邃兮緼豫周張神晦藹兮蒙籠混成回元氣兮咲盼豐  
融麗萬世兮

望千里賦并敘

蓋聞商飈戒途崖竅激響飛霜迎節鐘虛自鳴夫以金石  
之質應時知怨秋士之感何能已焉于時蕙艸日暮露華  
夜團王孫未歸春徑謝綠帝子一去洞庭生波百芳具腓  
萬感橫集楊朱路跋臨之以悲嗣宗途窮嘷焉以泣烏飛  
三市零雨急而頽巢槎刻九秋飄風迴而折檝申池焚竹  
笛簫俱灰陳畱爨薪倚桐先盡隋岸田父之珠光十棗而  
色駭赤堇大冶之鍛躍三百而不祥太行崔巍手非可移  
曜靈隱沒杵非可倚是以方思擊筑已銷燕市之聲未聞  
微吟先隕雍門之淚也加以銚芑無家佳其奚集青萍春

莠猶戀隰揚丹鳥宵行常依原艸三秋霜露寒侵遊子之  
衣九日茱萸遠滯高堂之夢辰移斗柄何日南迴涓貫天  
門幾回左轉潛然念遠乃爲賦云

升高墟以四望極千里兮心悲雲垂陰而作簾風急響而  
鳴哀遊子百感一顧再泣具羅衣兮不溫沾錦柱兮時溼  
見鴻雁之南征憶關河之紆直蘭叢日晚木葉星離霧黯  
黯而如晦天盤盤而下低荒煙散兮原蕪盡白露零兮野  
艸滋道尺折兮三千里腸九迴兮十二時加以桃梗長浮  
萍華未遇險鋌無隅旅焚失樹秦雲則夢逐頻飛隴水則  
冰漸未渡又乃有捄天畢有睨牽牛陽烏西駐靈瀆東流  
煙沈水浦泥碧山郵傷情柳陽之賦橫涕荊州之樓況乃  
天涯歲闌倦客衣單覩青楸之霜落識黃榆之塞寒神欲  
逝兮苦遠淚欲咽兮苦酸于是背迴路闔重扉玉鉤斜而



未捲金缸凝而不輝松蕭蕭其振擗梧丹丹其辭枝倚危  
欄以歎息悟年光之參差獨立兮恍惚寤求兮反側望明  
河兮無梁繫匏瓜兮莫食月向曉而歛暉雞將鳴而整翼  
夜耿耿以將盡兮悵盤桓其何極

對燭賦

若英乍下娥采方弦雕盤斜挂金箔雙連景蛛屏而迴照  
拂鶴榜而浮煙空心已盡密淚潛然裂鮪衣於鮫渚瀉鈴  
露於銅仙腸寸纏而分折恨十轉而九牽大道珠樓琲闌  
綺院白騎奔星黃塵集霰春沈鸚鵡之盃香砌鴛鴦之襪  
吉語連錢同心半面雀臘釵挑蛾飛眉顫訝光淺於萸萸  
怨更賒於銀箭西陵大去南浦長征拭羅袷兮霑臆掩玉  
笋兮凝情山青鏡景冰昏泣聲哀弦獨送羽帳虛明燎慄  
羈心飄飄愁侶燕館讐書梁園儼庶瑩弔涼河蠓吹墮雨

木瑟吟鴻梁泥落鼠躡葉下今神動晨禽膠兮聲楚狼城  
沒月雁磧驚風天涯雪漬陌上花濃紈裁流素字織迴虹  
卜雙花於蓮缺悼孤景於蘭櫳撫錦柱今不忍御啟玉匣  
兮適爲容又乃銅雀棲魂甘泉歸魄珊佩秋遲空帷夜碧  
惜帝女於姑蓍望夫君於窮石三生入夢之辰下九傷心  
之夕錯朱流粉倒鳳眠龍青玉五枝之麗文芝四照之工  
芄開鳩鵲爛落芙蓉豹膏冬結蜃炬春融皆陰火銷塵銅  
華翠土絳蠟霞飛玄灰燐聚悲生子夜之詞涕肩江南之  
賦歌曰鬱金苑裏茵茵池夜光百樹珊瑚枝區區攤薰枕  
通臙倦舞衣繡華自古共一燼脈脈空明復爲誰

傷逝賦

并敘

潘子念諉好學深思綜貫六藝與余居同里昕夕遊講究  
疇類之樂不幸短命其華零隨余時容遊西安涼夜杏晦

追存惋亾俯仰增愴爰著斯賦以寫痲心其辭曰

惟曜靈之馳謝兮辰儵忽其不留逝者杳其無知兮存者日以離憂收恢台之假夏兮適皓秋之厲淫暨涼夜而不寐兮愁感舊其孰任溯已往之款實兮哀紆軫而弗禁誦斯人之風義兮雖九死其未沫襲薰潔以旗衷兮孟懿純而蹠志襲六藝以爲裳兮縉儒擊與墨佩昌辭份其約約兮誠難虧於艱昧哀生民之軫輶兮意橫厲而自卬獨華子而申契兮謂芟茄其提芳生相見而無幾兮死頽頽其方長初聆君之微瑟兮心煩冤而猶豫冀貞疾而終吉兮聊醒懷而自念路邊遡以靡際兮故鄉渺其阻深願入牖而執手兮道拳拳之素心鳳皇叱而鸞靡兮鶴鳩譖而梟驚榮薊葦于中春兮耜莞芎而煬桂余固知蕙華之鬱泥兮允楸馨之誨忌亦侍葦於陰期兮何時命之促至彼王

蒸之考榦兮尙延景于朝陽胡禺中之始噴兮已脩夜之  
不陽長太息以伏枕兮情嬋媛以憺憺魂一夕而三遷兮  
起視天之蒙蒙月澗精以晃朗兮露晞藹而潛零明河監  
於西隅兮室壁蠶其熒熒雲穆流而上下兮放悲君之華  
儀神遑遑以馮越兮宛疇昔之容暉忽反顧以注睢兮涼  
颺焱其振厲寤十是而九非兮心搏搏其若墜掩苦闔而  
陳篋兮啟平生之素書忍睨視而未半兮淚究究而如濡  
蟬悒鬱其咽嗒兮蟋蟀紛其互吟羈巢輓而鳴噉分涼除  
冷而自風悲人生之憂患兮胖飄南而淹北引緊綵於百  
慮兮又哀緣之充臆日慘悴而未已兮矧幽結于黃昏隱  
蛩蛩以攷旦兮永忉怛其何垠亂日情曼兮借愴百啾兮  
懍懍盱望兮靡端默求兮罔象索素琴兮寡聽持尊酒兮  
疇酣獨吸吸兮於邑傷千里兮江南

武功縣后稷廟碑

皇矣上帝品萬物而流形至哉坤元承大生而光化是以  
亭畜毒散太極枋其運挺桐覆露皇初昌其道九變七化  
燧人哲五木之用搏獸鑿井有巢啟六龍之治若乃開物  
成務上哲所以首出從朔脩利後聖所以紹體百年膺錄  
求黍菽於岐陽元律乘眞拜丹齡於蘭室疏鍾豐物文命  
表其單平播奏庶艱隲凱肇其鮮會咸資明德援此阻饑  
故茶陵審象三獻隆於鹿原寒門接靈五時逮於鴻冢烏  
耘燕喋梅梁啟會稽之祠阜旂元玉金策剪東井之祀而  
况思文立極配彼天而居歆率育陳常奄下土而纘緒者  
乎誕惟魄寶發祥上妃卬允華館席河圖之瑞搏桑揚借  
木之光震夙載歌粵惟元子將以參鈞贊治斟元陳樞大  
拯黎元昭蘇萬彙若夫青陽御麻授弓矚以行襟蒼震抗

梭汗靈威而飛響龍盤降跡感清耀于房心姜水生民發  
祕儀於角亢亦猶玉筐謚隘元耶誕桓撥之王璇極縱華  
媯北毓文明之后聖人之出符也戴土倉穀珍命應乎地  
貞枝頤求口身律侔乎乾策覃訃表載路之聲匍匐徵克  
岐之異方牙合軌履甲寅而應生也斤感祥錫庚辰而命  
字聖人之昭象也在昔五行汨敘九州沈菑填星絕維逆  
行於水府皞德窮運會終於淵獻膜稷盡于屯邇來牟淪  
于汎濫黑墳白壤皆成相桺之腥童律虞余莫嗣烈山之  
統於是發災拚土第地興陞浴土冷風成畝間稼穡生荼  
秀秩訛易於三時除艸附根勸芸芋于九寓緩急調其燥  
涇勞息審其棘肥美禾美麥康年敘土穀之和維糜維芑  
昊載饗豆登之祀聖人之熙業也暨乎蒼姬受氏朱繒啟  
家化梓棫于昌庭兆飛龍于塢野六旬鳴鶯詔制命于金

枝五緯聚房撰來提于赤維然而丹鳥銜穗衍農正之餘  
慶天駟儀星推太祖之經緯帝車中運日辰受顛頊之維  
豐水東注杜漆本魏駘之舊舟彝追享公旦頌其來雍穀  
洛毀宮子晉述其始靖聖人之基命也景烈之駿若彼光  
運之遠若此固宜億年服教荅胙饗于靈期六幕謳功奠  
豐融于神緯詎止稷山西踰河中貽播種之居黑水南流  
廣都肅歸眞之野閔宮有恤東魯致其高煙天田竝祠西  
京崇其大報我

大清嚴威寶命欽若元釐龍旂載耜禮保介于元辰爵弁  
俵絲返靈星於吉亥翠璋介祿富媪配乎靈壇黃冠息農  
先嗇通乎大蜡里禾鄙黍告旨粟于神倉黑秬黃葵上嘉  
禾于衢室狼臙烏澣之鄉素莖飛瑞雞極烏丸之下綠毳  
流光乾州武功縣者周室之始基有縻之故國華夏推其

爽塏神明列其冢舍北瞻幽館公劉韓琇之原前眺岐山  
古公築削之地固知終隆太一精靈永眷其山阿萬歲千  
秋魂魄樂思其舊宅白雲既遠穀林拱楚伯之封蒼梧不  
歸瓦竈戀鳴條之坂舊有崇祠創于明代春秋報賽兼祀  
姜嫄亦如靈臺饗帝紀塊隤于三河大陵啟筮錄龕山于  
太室薦升廣牡明堂右文母之尊澤冠黃蛇原廟及昭靈  
之后歲月既遷侈頽斯甚粵以乾隆某年知縣瓜爾佳君  
瑪星阿新其頷臂廟彼堂甚至嘉慶十七年君之子三等  
侍衛喀什噶爾協辦大臣靈保重經茲土思續前功迺與  
知縣張樹勳等消選休成雉鳩工用密石飛素宮隅渥丹  
泉門有伉寢廟斯奕黃雲鍾戶似伊耆之靈扉白盛夾窗  
等姒宗之世室冕旒發秀披巧利于天儀華蓋垂芝象稷  
施于神稼庶使陽開陰闔萬靈拱木德之精嶽時河行振



古仰天官之烈乃爲銘曰

壹壹太始沈與浮清赤白旭卉玄黃洞冥雲章首期皇會  
書靈磨羊迭辟犁炬聯精在昔陶唐洪流滲黷年歷四七  
行窮九六魚沫稽天鰲波飛岳怒調億姓咨閭五服赫矣  
上聖興自高辛蒼龍表曜辰馬開禎乾行保合屯雨經綸  
文謨禹命放協堯勳造區清明均毗降岌基樹昌本迪穫  
三葉突奎捐陰安地休溼嘉種誕苓烝民乃粒王猷緝熙  
帝緒縮綽烈謝手足功存靈莫時晦遵養開顛於爍魚療  
升舟龜謀兆洛武功之原太白之陰宏祠切漢神圉飛岑  
鳥非冰澤樹尙平林風飈蜡籥滄奏春琴巖巖新宮枚枚  
靈場詆天闕景旒露抽祥玉衡通正金鏡明光式刊樂石  
永配無疆

興平縣馬嵬堡唐貴妃楊氏墓碑

夫淑人告逝盛門起重璧之臺佚女時遊洛涘啟明珠之館  
馨華秋露感帝子於姑山梧野白雲降虞妃於澧浦鮪  
隔陰破元蛇衛戴午之宮谷口香陵青鳥護通靈之冢莫  
不圖芳瑤冊郁烈椒塗別有武擔石鏡傳輓曲於龍歸吳  
市珠襦闕豪曹於鶴舞房陵大去趙瑟秋僵軼道無歸秦  
箏莫咽臺傾銅雀哭總帳於三更地近玉鈎泣香塵於六  
代景陽人去非復鐘聲雲殿魂棲空餘畫影固已名呼永  
恨情絕三生同黃鵠之離憂墮紅羊之塵劫然未有身彰  
野艸名玷璇闈獨搖樹急誰悲怨女之心精衛海遙莫亮  
冤禽之志如有唐貴妃楊氏者也自昔岷山構夏有蘇珍  
商浣溪沼采藥之封渝卜賈蕃椒之族露華少嬪隆漢墜  
其赤符結綺臨春陳嬈燼其火祚斯則城傾婦哲家索牝  
晨刻若玉而餘瑕貽焯管而增慙南山伐竹未足書愆北

溟振波何由洒取若乃情兼疑似語誤傳聞燕國使婢翻  
蒙墮酒之咎杜陵秋胡竟被采桑之誚如妃軼事有可言  
焉論者以犬羊肆虐京邑崩騰三精塞于腥羶九縣沈於  
鳴鏑繫茲樞禍實本女戎則是河陽出狩由狄后之無終  
羌羯禍華因短青之內亂以爲妃罪夫亦何辭特是三川  
咸震預覩被髮之徵九鼎俱沈先見亾秦之兆狄泉鳥出  
東海鳧飛人事固乖天心亦亟故東門讖囁無救世龍之  
災征北請畱終荒折跋之字祿山以侯景之亾虜包元海  
之禍心假愿謹于洗沐託清狂於蛙蛤黠中愚外蘊毒臧  
姦知人則哲益云難矣且夫宮闈祕事牀第屏言事絕臣  
民地縣霄漢而郢書善附虞說無稽鄰趙峽于鄭郊比鳳  
桐于羊羴彈冠度索卽方朔之不良納履長安謂東陵之  
善盜又況羯奴宥死白衣領軍專都督于營州兼范盧之

重鎮皆在玉真初入之年金牒未封之日乎或謂儷極失  
開宸仇爽德責嶺南之味貢起浮肺之彫宮竭物曲於土  
木盡人力於醉飽故使重關無勇閉之夫河上有棄師之  
譟然而洋川置驛無虧隆準之名邯鄲倚瑟不慚龍據之  
聖當夫先天授政稷日劬勞開延英以旁求臨勤政以兼  
聽焚珠玉於三殿罷織錦於兩京然已御門樓而觀鑿命  
驍衛而典樂置宜春於西內敎法曲於梨園固知周王饗  
國自有耄荒之譏虞帝宅師終生倦勤之歎妃無班好辭  
輦之賢昧樊姬進善之智逮乎變生龍武怨積掖庭甘隕  
輕軀以綏宗社較之虜臨瓜步猶唱後庭師入晉陽尙聞  
小獵詎可同年方斯等語或謂河北旣已弘農失守瓜分  
豆剖輻裂魚鱗苟萬乘之親行庶三靈之有寄而婦人儻  
室竟阻庭謀夫有備無敗楚臣所爲寒心不敎而戰魯聖

於焉示戒唐自開元以後中寓嚮平青微沈淺華山磔刃  
期門非組練之軍宿衛豈干城之士魚飛武庫公徒之甲  
無多獻墮圍城勤王之師未集假竟豆田失律千畝輿尸  
血濺御衣矢流王屋七萃之蟲沙咸化六軍之雉兔皆迷  
卽成旅中興戈過授首中冀磔蚩尤之膊北荒行相柳之  
尸漆莽頭於庫中然卓膊於市上而洛都卜鼎終貽戲下  
之羞琅邪渡江難雪平陽之恥則妃之銜哀請命伏塊尼  
行可謂情繫私家而功存君國者矣或謂冢君臨政宵小  
乖心其阻撓監國之謀實搖動東宮之意未解斯言何由  
騰口立宗感武惠之謊言信楊洄之讒說姜后無辜竟廢  
長秋瑛儲何憊遂殘宸貳庭闈之際猜忌夙深如果飛語  
中宮悲噓半夜政恐黃臺再摘青楊重移龍樓有發蠱之  
誣鳩里成距戶之慘彼挾雕宰相伏獵侍郎謂能託白頭

而訟冤伏青蒲而涕泣效令狐之上書爲圖綺之調護者  
未之間矣如以夷齊無嗣如意未生故雉經未迫於新城  
鴻翼得橫於四海獨不思白沙吹烈頌鳩羽於離明蒼琅  
應謠禍燕涎於乾索金駝納賂竟立晉王瑤光肆妒僅餘  
明帝者彼何人斯復奚爲哉嗟乎齊臺沈魄蟬化何年蜀  
道冤魂鵲嘯無處南飛孔雀青田之羽已雕西序金莢紅  
心之艸不死九原可作不平謂何昔雲書鳳字製吳闕之  
哀吟桂棟蕙榜度楚些之怨曲爰書元石永勒貞珉禁十  
步之樵蘇護百年之楸隴庶使茂陵玉盃長闕於人間蘭  
臺彤珥振芳於奕世

五十三家厯術敘

自昔上皇之世孟幼未分艸木互易適定神策轉調厯大  
庭軒轅逮於殷周三五之法詩書所稱略可指說靡得而

詳焉周室陵遲憲章版蕩亾告朔之禮廢疇人之職重遭  
秦楚五紀崩隕漢氏初定日不暇給至於武皇始正三微  
改歲首於是方士輻輳曲藝雲集追星距以定度酌月法  
以積閏而晦朔分至躔離弦望之術差以周備自是以後  
代自爲憲家自爲學下暨唐宋經數十易皆攷驗當代斟酌  
舊傳有元承之作授時厯差平立以調進退求弧矢以  
正黃赤棄積年之法立諸應之準測祿之術綦以密矣明  
代大統因乎授時暨於末年門戶別出紛爭辨訟遂屬國  
亾

大清龍興暑緯昭應西徼殊俗厥角獻技內設五官天文  
之科外測四海經緯之變日月效期寒暑通軌蓋自太初  
以來千七百四十餘年始集成於我 朝然猶 申命臺  
官朝夕格署蓋天地之數若此其微也夫術士之學厥有

三蔽墨守師承毀所不見昧因造之理違澤火之義舉一遺三得五忘十其蔽一也榮今陋古拔本塞源斥射姓之司星嗤鄧平之運算是猶指三江而狹嶠流觀九河而淺積石其蔽二也中夏失官學流荒裔鳩扈補象徵之制音紐祖形聲之遺而議者必嚴內外之防屏梵回之厓其蔽三也祐誠旅食餘閒願言纂緝乃取史志所載自三統以下可撰述者五十三家凡歲實朔實之分定氣定期之差皆敬授之大原先朝之遺憲爲比其名義課其盈虛補其散佚信其亾闕都爲十卷鈞核考互有移歲時以存先士之學俟有道之正焉爾書成爰系之敘竝列其目於左

漢志

三統術 鄧平等造

續漢志



四分術 編訃等造

晉志

漢乾象術 劉洪造

魏黃初術 韓邕造

景初術 楊偉造又見宋志

泰始術 劉智造

永和通術 王朔之造

後秦甲子元術 姜岌造

宋志

元嘉術 何承天造

大明術 祖暅之造又見盛志

魏志

涼元始術 趙歐造其用數志不著錄據開元占經所引

正光術 張龍祥等造

興和術 李業興造

隋志

梁大同術

北齊天保術 宋景業造

甲寅元術 董峻等造

劉孝孫術

張孟賓術

周天和術 甄鸞造

大象術 馬顯等造

開皇術 張賓造

大業術 張胃元造

皇極術 劉焯造

唐志

戊寅元術 傅仁均造

麟德術 李道風造

神龍術 南宮說造其用數志不著錄據開元占經補

開元大衍術 僧一行造

九執術 瞿曇悉達譯據開元占經補

寶應五紀術 郭獻之等造

建中正元術 徐承嗣等造

長慶宣明術 徐昂造

景福崇元術 邊岡造

五代司天考

欽天術 王朴造

宋志

應天術 王處訥等造

乾元術 吳昭素造

儀天術 史序等造

崇天術 宋行古等造

明天術 周琮等造

觀天術 皇居卿造

紀元術 姚舜輔造

統元術 陳得一造

乾道術 劉孝榮造

涓熙術 劉孝榮造

會元術 劉孝榮造

統天術 楊忠輔造

開禧術 鮑濂之等造

馬二十一  
成天術 陳鼎造

金志

重修大明術 趙知微造

元志

授時術 許衡等造

庚午元術 邪律楚材造

明志

大統術 元統造

聖壽萬年術 鄭世子載堉造

回回術 西域默狄納國王馬哈麻造

長安縣志敘傳

古者土訓詔地圖誦訓道方志以原地事觀方俗而形方  
氏掌其上下之志四方之傳道將使在上者攷物土別淑

憲爾雅於古潤澤於今以惇勸民行而咸和庶政是以國  
家立之著之憲典長安自康熙以來百五十年志業不備  
政事興革之紀賢人君子孝子弟弟貞婦之行無所攷斯  
士吏民將何觀焉桐城張君聰賢來尹是邦顧惟闕遺勿  
敢暇逸咨於考長僉惟敬同粵以嘉慶十有六年八月集  
議重脩迺爲討論今古商榷名義規昔賢明述之旨納詩  
人周爰之善鈞核整比區分絡引正其糾繆補其散亾雜  
而不越歸于法度爲三十篇圖四表四志十二傳十都三  
十六卷其敘曰

惟

帝建國職方受圖繩繩西夏拱辰上區分率準望經緯莫  
渝蔚爾綺疊錯然星臚述疆域圖第一

司空制圖厥體有六高高下下咸覽川陸平帶虹迥翹擁

雲簇指掌百里永詔來服述山川圖弟二

之屏之翰樹德永滅式固爾猷完茲金湯述城郭圖弟三  
縣鄙形體均之遂人邇綜遐編如絲伊綸保受無疆庸安  
我趾述鄉鎮圖弟四

維天有漢兩戒是經山河之首鉞質寓靈回同上圖寒暑  
列帶赤道弧高五十五太推其昏明以紀農事述晷度表  
弟一

抗規龍門大事作記繫之編年綜覈期備述紀事沿革表  
弟二

天生蒸民樹之牧司不有君子胡綏我師累累章紐申申  
佩蔽當時則榮百世飄忽孰去而思孰存而渝比職屬辭  
以告僕夫述職官表弟三

陽升九二羣龍見田濟濟國楨允登秀賢敷文廣華經德

秉哲如肩斯比如茅斯彙述選舉表弟四

雍州奠夏河西索商虎視龍興五成帝京考次因造經畫  
井疆標厥城市提封四鄉述土地志弟一

茫茫禹跡釐下土方天門東流地肺南張哀舉原隰附之  
津梁述山川志弟二

禹貢則壤厥賦中中宋置屯軍明食藩封徵急令驕鴻飛  
載路鐻租子復王政以裕述田賦志弟三

巖巖神皋大帝所宅六宗四兆咤胙丕假族累施糜昭明  
辟池及羣小祀亦崇靈威述祠祀志弟四

於樂辟雍世德配京亦越千載寂寥亾聲猗與  
聖清孕文毓武俾張鶴鶴光被西土述學校志弟五

蔽芾甘棠召公稅馬如此傳舍亦閱歲年孰是延悒繫人  
流連述衙署志弟六



遷敘貨殖固志地理兼綜民俗以著經紀述風俗志弟七  
秦營朝宮漢御列仙仙都福陽亦千百年踉蹌茂艸沈沈  
劫灰我思古人靈沼靈臺述宮室志弟八

鵝野龍岡冢舍神明下武再世宅幽永貞白雲在天視肉  
迷方焄蒿野土其歸其臧述陵墓志弟九

耆闍之宮舍衛之園震旦東陽奉行彌尊周滅象教隋崇  
毘耶攷厥廢興竝及道家述寺觀志弟十

中經錄存七志著逸敘次編目署以甲乙述經籍志弟十

一  
吉金玄鏐錫冊蘄壽竝紀樂石以著長久述金石志弟十

二  
粟稅絲租子職亦瘁誰與父母生我畜我稷社配食桐鄉  
奉嘗民實有心勿日無良述循吏傳弟一

山川出雲時雨滲漉降神炳靈誕生英嶽自古在昔先民  
有作發潛顯幽往則斯託述先賢傳弟二

昔聞中山報及壺滄養士百年乃不受恩厥聲則烈厥遭  
則屯下有千古昭昭昏昏述忠節傳弟三

洋洋

聖謨首敦孝弟百七十年醇化烝起追惟先民式鏡閭史  
述孝友傳弟四

樊仲大俠有遂退風城西子夏厥聲亦隆之子如怒彼人  
如充悠悠九原今誰與同述義行傳弟五

蒙莊有言無爲名尸飛遜攸利貞名在斯表厥高躅遠風  
來茲述逸民傳弟六

株橋構榭公輸所材一技亦錄庸庸胡爲述藝術傳弟七  
區明風烈揚摧柔嘉摺音允臧昭我彤華述列女傳弟八

唐志真系宋錄傳鑑惟彼二氏不沒其稱述釋老傳弟九  
多識往行周咨舊聞必繩必準約守博陳匡謬正俗顯善  
旌賢慎言闕疑以待後人述敘傳弟十

送洪右甫敘

龍心夕流容棹西指洪子右甫之官東湖離筵旣張執友  
鷹至入坐之燭跋未逾寸贈行之策積已計尺右甫直臣  
之子也堂有諫笏楹承遺書忠孝載其世家文獻徵於州  
郡而乃一舉鄉貢七踏金闈鬢雖玄而漸渝足未削而已  
繭給札三館寫書十年乃得注名銓曹出宰下邑斯行也  
莫不惜其棲棘慰彼折翳而蒙有贈言獨陳積感夫百里  
雷震上侔乎乾象九耶星布下協夫坤輿固知四人之業  
託於下體之居六合之命懸於縣令之宅西京以郎官出  
宰東雒則三公賜書雖地絕承明而職同清要近代以來

斯風漸替要其積習更僕難窮監司牧守犄角而遙臨米  
鹽陵雜瑣屑而必達執版白事日已盱而未通投牒請行  
封經月而不下豪毛則羽檄星馳厝火迺局牀卧治一齊  
眾楚置喙無從十羊九牧求芻何得其不可爲者一也楚  
令尹之舊政惟潤脂膏王苑陵之去官偏多家具惟此空  
倉雀噪武庫魚飛已承瓜代之期便致苞荒之吝制使以  
調停爲籌畫同官以徇曲作挪掄必使李爲桃僵揆因檀  
斫竹木之焚旣及池魚之悔何從其不可爲者又一也臺  
府供億責及廁踰郵亭望伺勞等廝養首已俯而入地足  
將捷而上天以至刺促入幕之賓佐依優奉塵之輿臺山  
中爰兔乃號丈人楚國綏狐亦稱使者莫不指令長爲債  
帥褫袞鶴作盜糧鷹旣飽而遂颺虎不饑而猶嚇其不可  
爲者又一也期會之令密速錐刀繭絲所供嚴在圭粟雕

觚本以繩下史掾藉以犯科指東轍爲西塗續臆脛爲雁  
足扼項撫背望都盧之善緣曳輿擊牛斥郵良以賤御遂  
使五官爲土木之骸三尺甚燕秦之詐其不可爲者又一  
也加以緇衣旣化貪泉久甘已慕釜中之羶願從海上之  
臭詣曹頭搶據案心皆晨希顏色似葉公之遇龍其長恣  
雖等牛哀之化獸治平自譽咎沫土之民頑催科課能詡  
中牟之政異蜚鴻滿野詎解哀替燕雀集衡偏知五六乃  
使扶杖之耆撫心永瘳長揖之士高拱取伍吏治若此誰  
爲爲之然而風雨如晦雞鳴不已棊施盈室渚蘭自芳蕭  
艾在陸卷施獨勁若右甫之貞規夙植僮律兼通不揚灑  
以汨流不跣趾以疏世而東湖復以西陵門戶夏口上游  
巴渝荆豔俗少陽橋遜寬抗嚴尙餘遺愛他日銀手獨斷  
金心自孚願建康之清醇劉懷肅之簡惠峴山地近重刊

思德之碑桐鄉政成更續名臣之傳是亦黔元之甚幸而  
吾黨之嘉榮也聊因縱酒遂放卮言江秋正高幸勉崇德  
方彥聞鶴夢歸來圖敘

鶴夢歸來圖者吾友方君彥聞悼亡之所作也夫釋服見  
客子荆于焉神傷望廬思人安仁自然殞涕蟬鳴漢殿盡  
作離聲鳥近蜀城都含淚血殘月欲下不燭合歡之房秋  
蕪尙青乃迷歸魂之館入室靡覩出門何之謂天蓋高離  
離而西暗謂地蓋厚搏搏而下隊帝子大去回風拂之以  
悲少君歸來中夜持之以泣傷心之事意在斯乎原夫盤  
龍鏡底新系三生么鳳窗前時憐半相竝肩而宿鳥訝顧  
影而潛鱗驚幰幰晝靜恨東風之來遲關千夜開祝明月  
之常滿百尺綠雨十尋游絲衫非春而亦紅袷沾墨而都  
暈絮落無迹助其裁吟花香有心對此含笑方謂北山白

蒼竟可蠲勞南海青鷄永成竝命豈知握椒之性以芳厲  
而逾辛卷蔬之艸以心拔而竟折雙珠未剖日南之母先  
枯珥玉長寒荆山之璞已碎風泠泠而入幕雲陰陰而壓  
欄焦桐半死尙含變徵之聲青艸一叢卽是麝香之冢猶  
望南陽鑿井水竟延齡西域通胡丹誠返魄素女之瓊旌  
再起安妃之玉樹重開而乃葦管旋移金鑪不變冰巖蠶  
冷何黍律之能蘇渤澥鷺歸豈蒨花之久合入隧相見乃  
九仞而無泉升屋長號竟三呼而不復又況千里歸輿半  
椽棲壁巖關霜重古剎銜寒楊花秋白未封齊女之墳燐  
火宵紅終有冤禽之哭是則明河清淺非七夕而誰填剩  
粉飄零閱三年而自化天平不諒怨矣何如然而秦樓簫  
吹竹尙餘音蓋山弦歌泉知赴節倘賈生之談不爽阮君  
之論無徵高唐雨涸雲氣常存洛浦珠傷神光乍合斯青

春受謝元夜思歸今夕何夕佩環說其來遲是邪非邪形  
容想其宛在而政恐黃葉西東難尋玉盃碧雲下上幾見  
銀臺星娥左轉非魯戈可旋少女斜飄豈羽車能渡人間  
三五夜皓魄終虛天上十二時黃昏有幾鄰雞一鳴幽夢  
何處曉漏五下空幃蕭然涕欲咽而已沾腸未迴而早斷  
則斯圖之作又足生悲者也蓋邯鄲聽曲淚下十行灑灑  
聞駿神迷三峽矧黃絹幼婦應表碣于貞姬白日巫陽待  
招魂于郢客希逸作誄故多抒怨之詞蘭成傷往亦有代  
人之作余故原其始終敘而貽之云爾

雲溪樂府敘

雲溪樂府者吾邑趙昧辛先生敘次鄉之遺聞軼事而各  
綴以詩者也傳曰一國之事繫一人之本謂之風房樂隆  
始基之業國史表哀思之困樹惇人倫經緯禮俗漚漚乎



不可尙已變風告終樂府斯作吳嚴梁皇物比于剛拊馮  
翊蒲反節汁于律閒三唐以來厥體滋廣新安石濠之製  
胡旋太行之篇杜白濫其原楊李廓其委莫不寓載筆于  
絲竹發長言于袞鉞諷詠之情既深主文之義彌永達于  
事變而懷其舊俗者也吾鄉延陵故封禮讓成化瑰人琦  
士疊軌駢蹠而方志缺略文獻散逸大雅之材不作籍氏  
之譏以章頌聲寂寥潛德淪絕志學之彥慄焉閔之夫近  
士大夫厥有四蔽飛華尊俎之上逐妍投贈之末假六義  
爲衡續飾四聲爲厝雉公宴行餞之作述德介眉之詞削  
鄴竹而未罄燔秦坑而欲窒結言所契靡問脂取之侶穆  
如之誦實獻田寶之門天枉性靈抗走塵俗祇以速其愆  
尤鮮有合于懲勸其蔽一也九層之臺簣土索其積千里  
之行跬步致其用迺有鯁儒耳食末學膚受同甫田之忽

近等杞圃之圖遠聞二遺一識十忘五祖禱未別採三古  
之歸臧閻闐昧音通八紘之結舌其蔽二也首邱之正有  
生大期登岳之謠達土猶感故鳥迅羽而投林鱗勞啣而  
縱壑今則一命始列半通乍縮已鄰所生于互鄉比故土  
于焦石爰居止魯饗鍾鼓而不歸胡馬適秦謂芻焚之可  
說曾無孔父十里之思永絕浮屠三宿之戀望墟墓而微  
悲忘毛裏之安在其蔽三也生榮死悴蚩氓所爲大哀逝  
川奔景志士于焉殞涕而天下熙熙目肝鼻息望銀黃而  
色飛陳鍾鼎而神壯高閣閑于穹蓋炎勢灼于朝旭罕不  
服鳴仄行蟲驕螳怒噬龍比爲詭激斥閔曾爲近名及其  
北首告辭西州大去輿殭在塗同絡子之委野孟弋去室  
少婦人之行哭啟手啟足餘入領之珠孝子順孫無可銘  
之石其蔽四也又況老成之人先落子弟之瞻靡從敖辟

之俗已中于馮生性情之原無當于風雅維桑與梓必恭  
敬止將欲緝其頽綱必先昭其舊式此先生樂府所由作  
歟祐誠家世倉德蚤歲羈泊幸中郎典型之在感元禮通  
家之知異日甄次所聞周度軼事補耆舊之傳成士女之  
志遠慙昔人明述之旨庶存禮經必式之意云爾

華蓀館詞敘

夫橫塘查下圓水淇于玳閣襄陽大隄結楓根干桂浦寶  
釵桃葉影隔春江鏡檻芙蓉痕凝曉露辛夷名樹慧吉呼  
禽憶舞袖于春陽寫曼聲于子夜高唐雲氣永護荆臺洛  
浦神光長畱魏枕固已情均頑豔感極風懷抽婉轉于紅  
蕉韻纏絲于白絮若乃邯鄲綺市大道珠樓錦窠錢窻玳  
窗粉牖秦簾風曉烟暖昔邪蓮井雲流蟾鉤屈戌龍綃護  
檻時飄迷迭之香窻甲開屏淡糝蘼蕪之色芬編翡翠櫺

架珊瑚有美一人疑情遺世賀蘭山下慣種燕支涼州曲  
中曾聆笳拍金星稀靨謝吳宮之獺丹黃月開鬢學莫家  
之蟬鬢蟲鈿反插寶粟連心雅髻橫盤雲梳九日桂紅半  
捻披河間之玉鉤蓮印雙挑騁馭娑之翠結羅敷及笄便  
事春遊盧女解愁偏工度曲諸干繡褊常圍羊侃之筵坎  
侯冶聲自誤周郎之顧辛房障袖月近二分午夜嚙妝花  
翻一面迺有貽椒芳土贈蘭才人梳子心同蕩花潮合銅  
蠶夜漏獨伺金徒朱鳥晨窗頻窺玉女于是銀犀通理瑤  
虎牽絲瓊島鳳棲閩風鶴報約漸裳于三歲懺寶字于雙  
環桐峯文梓如聞滄浦之弦采旌桂旗似解漢皋之佩又  
況初三下九秋尾春梢楊柳當門明星爛野雲銷蛤帳宿  
鳥嚙紅露褪鴛衫游鱗訝絲絳河寫景碧霧悅魂誰吐篆  
而葳蕤蛾飛燄而駢蒂趁雕陵之鳥誰怨海上之天雞斯

亦明明素魄難忘三五之辰娥娥粉妝時入百花之夢者  
也遂乃傳膩檀牙緣情繡幌製清辭于脂盞綴麗句于香  
奩調碎頰黎歌飛玉樹膠東研紙墨醉桃花趙地浣豪縹  
題芍藥將毋南飛孔雀遇十里而裴回東下青禽寄三生  
之永諦乎余惟夫秦箏趙瑟不廢新聲燕歌代謳無妨合  
雅成都公子亦寓賦于東鄰楚國王孫復貽愁于北渚哀  
錦帶之集有待昭明敘玉臺之篇終慚孝穆云爾

石鼓文跋

右趙收菴先生所藏石鼓文都三百二十六字夫介邱升  
中空桑開智權天制會宗盧革故咸萌祗記注畫萃竹帛  
七十二氏寂寥靡徵故寅臺閣其龍書常羊晦其穗畫覆  
益積其金簡社首韞其玉牒或有受甬雷鐔元鏐歸蘇姜  
泉已乃吉化錯範魏雕表神策之瑞郊東告尸臣之贊端

門赤書臨淮通其指釐冢蒼篆平陽枿其文而鍾南悠遐  
岫曠混范壇山蝕封吳墓泥表豐碑燼燔志士牒閱惟岐  
陽樂石傳歷廿代唐輦鳳翔宋置中禁金遷北都元頒太  
學靡不珍擬楚望耀倅晉垂

聖清同書龍轡虎炳虞膠仲張文璧於樂鴻都整觀鶴雍  
世守于是戶臧寶薤人諷籀書昕夕圖究厥有三益自姬  
委玉馭羸亡金鏡太師失官元音廢缺卽后孫釋故申轅  
訓傳而曾孫四正髯首無存都人首簡狐裘遂逸轡柔河  
水浩魚陂麥畱等片羽重逾兼余此則車工馬同水清衛  
平丙申汁吉日之用剛氏鮮證賓御之酌醴軌則六義乾  
揚二雅是日補經其益一也兩漢旣降八體斯謬皋有自  
羊之文地從力乙之說市金附圖白水飾讖稀禽韓覆增  
史皇之書柯樞承詔佚上蔡之製是知南閣祭酒僅守小

篆黃門侍郎虛傳玉篇此則楸兼二水吾竝五日忝合狀  
縮之權殿同格伯之簋直乃見釋山之刻舉拜徵義雲之  
印治從尊司通乎會意射作手弓契乎象形略舉一隅冥  
符三古是曰正名其益二也齊歌代謳既乖閒呂南石北  
庶復歧聲韻讀爲讀若許鄭之學徵正疊正到梵夷之教  
顯天子聖哲矜異於江東尚書好惡詭正於河北李登聲  
類法言切韻竝牽新義多汨舊章此則佳惟互借瀟澗旁  
通白下增巾獨偏去犬鸞從絲首作取仁聲好駢訂皓有  
之分求時考之尤之誤是曰雅音其益三也因茲三益原  
該五善師行卅里時乘六馬左旛右隼執禽簡眾魯羅繅  
籛樂公靈王可以觀禮三毆勿射六師如章遼隰陰陽辨  
方正位載鹵載北一候統尉可以知政嘉樹表衢霽雨覆  
舟溥師邀旂達駉康駕吳人鞫固大祝獻執可以審官員

邀昭明鑿勒式度田宮鑿齒軌輒別象肉秀彤族弧矢建  
威可以辨器麀鹿雉兔獬蜀麋豕鰥鯉鯨帛鱗鱒鯨鱣楊  
柳柞械櫻櫨箬華可以博物若是者學士炫其寶而驚其  
詞鯁儒艱其文而疑其義夾漈紛之於前子卿汨之於後  
皆引薛附蔓刃方就員鑿智信臆昵祖祧嘒星微沫冀  
奪明于曜靈蟻壤寸垤思涸潤於稗海不其惜歟先生既  
擅奇名山希志徑記授簡下士綴辭篇末亦將以存先民  
之傳求修學之是也

書春覺軒詩集後

嘉慶二十年二月舅氏達甫莊先生遺詩十卷校竟嗚呼  
謝客既壯能讀琅邪之書羊生歸來已墮州門之淚西園  
之歡不復北首之夢猶酣回風往日將迷九地之魂載酒  
焚香詎斂浮生之恨韓王孫之亭下知已無人秦公子之



馬前傷心何極陳書有念流涕無從祐誠年始驂駒速升  
堂室山陰割炙便預賓筵沂水風雩常依辟咄識陽元於  
陋巷拔孝相於無名蔡中郎之竹冊獨授高平王靈朔之  
文章偏歸阿士追惟晏旦宛爾生平秋蓬縱火先空卷施  
之心長淮澗流自賈枯魚之泣西山冤禽之木塞滄海而  
未窮建陽高臺之鍾不落葉而已慟哭簪大澤筮魄江南  
青澗雨化難忘柝柳之星丹鳥雙飛長感黃墟之艸謂天  
蓋高夢夢而左暗謂地蓋厚沈沈而下隊鮑子知我徒慨  
乎歸人罕皮云凶疇與夫爲善逝者忽忽逐風雲而不還  
來者營營寄笑言而無地東門鍾鼓誰明羈羽之情蓋山  
弦歌永絕焦桐之聽九京不作瑣瑣者孰與歸乎若乃展  
禽未諳有道誰銘湘東全德無復靈光陳畱耆舊俱先朝  
露生金圓石待景伯之重刊鑿柱遺書有韓康之校錄沾

巾勞手祇重悵然

書陳丹崖畫冊後

夫再襲之室離朱收其眸盈枚之榭匠石輟其巧故以潢汗爲居者難語瀛嶠之廣以隙積爲照者不知泰山之陰何則境淺者心警神曠者識眞也陳君丹崖九州歷七四瀆涉三清風追其足顛皓魄出其衰底爰能枕席泉石沈痾丹青景元山水之愛便往跡求愷之緘閉之廚从卽化去涼燠不染翰素點綴皆知姓名要其趣歸約有數境若乃山崇隱穹谷巘絕地百尺峯嶺累之一丸之某十丈飛瀑懸之徑寸之峽巖欲飛去峰皆削成磴梯遠轟落日碎而有磬土囊秋陰斜飄回而失色擲筆天外乍聞雷鳴聳身崑顛獨見霞起躡躑五嶽耕父爲之喪形布置一石恆星驚其隕晝此一境也濫頌湍浪廣陵怒波寒冰春青谷

燠自戰靈月午赤潮驚尚號崩澗泐于幅端介蚘延蝮  
于軸際陽轡東拜天吳之衣盡揚金樞夕冥海童之髮欲  
豎駿楫鼓雷破駁楫而齊飛鯨颿揭風入龍窟而復出此  
又一境也三月春其百弩畫姓江南鶯囀灞岸柳碧墨潑  
一斗紅俚四圍游絲裊其彫管香雨和其綴綠生綃三尺  
方成扶荔之宮淺碧十尋卽是棠梨之館藻葉飛布華蕊  
蔚羅此又一境也洛川珠佩高唐髻雲珥瑤碧之裾擧曲  
瓊之組精采微授神光乍回輕袿容與始訝風起羅韞微  
步時生水紋靨輔承笑羌欲語而尙含曼睭遺視若將盼  
而未轉澧浦人去蘭皋徑斜疑間琴香止見月景此又一  
境也然而東都畫就纔易半餐西嶽圖成僅營八口薪已  
勞而不藝桐經爨而屢焦風驚震柱誰聞長缺之歌日暮  
驅車終有窮途之哭祗當焚闔鐵于九關之野裂齊縑于

四達之衢謝俗士之華鑣誓柔毫以白水亦知逐貧作賦  
依然解嘲之子雲投筆長嘆非獨備書之定遠乎

與方彥問書

彥聞足下離燭其地征驪晨逝索思淒風積感逝水渡江  
北行土俗迥異蕢菽襍飯菰蘆結牀粃糞馬蹏艸臥沙磧  
訪八公之故館過清流之巖關塵驚鳥飛石訶人立足蹀  
十步時升火光樹諺百尺才見青氣自茲以西地垠天曠  
淮潁千里田廬萬重水星鏡浮苕葉帶抱麥氣朝霧沆霞  
亦黃楸篔夜聞土岸皆紫更復從陸計逾浹辰澗都羅交  
山盡拱合松柏翳景言經北邙之墟藜蒿蔽天乃曰洛陽  
之苑折軸峭坂僨車宜陽函關風雨道涉黃巷時則題月  
西轉斜漢左陰壁囊無階穴邃有腹土溼腥鬱風囊哀號  
羸特雜稠韞軹摩擊子夜景黑惟聞人聲姓光晝紅乍聽

霆烈越三百里言臻青門意欲奏通天賦宜春求書茂陵  
讀碣驪坂而玉盃夜閉幽燐星飛銅仙秋寒鉛淚露咽鯨  
膏未燼而劫灰已平矣關中肘太華股九嶷帶涇渭束灞  
澹龍潭鼻厓風渡雲棧皆足警慄心志淒感性情昔王粲  
羈人嗣宗狂士登樓隕涕窮巷同車僕本恨人疇能自己  
蓋山高川悠饑促渴役不自知休文之園將滅蘭成之賦  
易悲也足下侍歡庭闈激慮經史俛仰委蛇誠足念樂蒙  
間桐魚刻蜀樂石響泗躍靈虧天井景缺地故鶴鳥異聲  
而同鳴餘蹶殊類而合處者志氣相得也晤言尚遙縑素  
勿曠傾首東望山河阻深書不盡言幸勉崇德

荅方彥間書

彥間足下損書遠辱慰誨勤懇出入懷袖風誦再四文采  
份都意情周密夫咸池在縣知北里之鼃咬狐貉當御增

傲縑之悽愴，曜靈秀東，燭火息耀，金樞殷午，嘒星韜明，故  
得書以來，閱久不報，恐終昧爰繫同心之言，違小雅求友  
之義，敢蹟左右，以布往懷。僕聞絳螭登天階，浮雲而挾耀，  
神鯤搏濤鼓洪濤，而振鬣者，勢有所馮也。若乃黃鍾沈音，  
玉瑟淺柱，寒蟬號秋，窮鳥戒旦，誰爲爲之，孰令聽之。僕生  
二十有一年矣，幼不自量，輒負大志，而時不我與，倥偬相  
迫，瞻屋靡止，瞻地何歸。今且竄跡廡下，低首馬坂，蕭風生  
于牖庭，紅塵拂其衽，衰貽竊笑於臧獲，偶謀食於傭奴，塊  
然獨坐，惟形景之互荅，出門同人，復言笑之乖性。譬之植  
蘭九陵，移蘭五澤，遵鴻漸，柯蔚豹遊市，拘搨造物，頰叩夢  
醉夫，以飄飄羈旅之士，越越宇宙之內，進退靡自，竭之地  
陶愠，渺由中之惜，棼思櫻魂，俗文填腕，偃繩墨以詭時，尙  
乖咸韶，以奏新樂，削趾怡壁，翦髻念髡，首顛目頽，神索言

餒而欲振聲廟廊高立殿陛挾策帷幄之間係纓萬里之  
外紀名景鍾鐫姓篆素固知難矣若夫抽金匱之軌簡釋  
名山之祕文睢睢盱盱上窮結繩洵洵隆隆下究倚杵馳  
驟六籍出入百氏成一家之言爲奕世之則區區之誠有  
慕于此所以終日而不倦一夜而十起者也至乃營情弋  
獵詭遇科第北友牡羣頡引駢望附羶釜中逐臭海上跬  
步偶得謂登龍門之陂援繫寸失若墜焦原之谷驅魂役  
夢朝舞苒蒨奄隨大化同腐野艸夫人生百年罕過其麻  
亦安能借視息於蚊蟻和嚶鳴于脰注哉足下高朗天情  
沈潛地德鉤索三古旁驚羣藝入有侍奉之樂出有倫類  
之歡進退委蛇俯仰可慰惟益滋令名善畜光采書詞狂  
瞽幸勿示人惠子知我故敢相告

與楊紹起書

紹起足下執別經歲遐眷千里恆星仰矚井絡限於天津  
飄風南馳浮雲遠於吳會光景莫接輾側重勞惟侍奉清  
娛素顏豐勝幸甚幸甚秦中暖氣早來淑年告朔冰巖泮  
日苔點成錢陰岸陶春筭光祀雪終幄灰澗灞涘長亭綺  
注方清垂絲漸穉凡在羈人能無重感矧以塵勞迫慮風  
土乖宜百事振心萬憂拂性車迴歧路何處尋家人上河  
梁不堪掩袂堂前擊筑已銷傭客之魂臺上引弦自竇驚  
禽之羽竄止悲生紅女望極湛江昔建安才子橫涕荆樓  
魏國詞人悽神漢殿亦有華陽奔命東海羈賓眞定常山  
奄風波而失所河陽漳水望雲雨而長乖要皆丁元二之  
災年植三州之離會方今四字繩繩八區倮倮候亭鼂犬  
仁化麟騶城市蒼煙藹成卿禱而乃宛童靡寄萋楚無家  
豆剖星離晨暉夕播西瞻幽館東望江關溫清廢違載移



涼煥雁臣塞上幾聞蓼風燕女暮中重經社雨自非武擔  
立石鍾離廩君夜寐夙興疇能蠲念且絲霜應節尙感豐  
山之鍾朔野颺颺猶動靈臺之羽眷茲物候恆移哀樂每  
當嘉令應芳綺筵近葺燭炮孤景酒浣征衣便已仰屋興  
嗟掩觴下泣政以東門饗樂祇令愁辛北淮種橘徒增酸  
苦燕禽望闕非有意於菰梁胡馬蕭風復何情於閑棧聯  
平原之第方且未期歸洛陽之輿尙稽待歲靜言思之寤  
慨而已足下揚州連錫赤野明珠逸藻霞蒸雄聲雷動白  
羽在拑鈞穿合鋪之犀黃鍾灑光響叶金門之竹凡夫青  
龍調麻元武兵鈐北平侯之九章陰通成之五射以及義  
文韻畫籀篆王分太甲在昔之篇岐鼓琅臺之刻靡不拂  
景高輓關雩獨照豈直厭次待詔徒陳文史扶風孝廉無  
慚爾雅僕家世傳經弱年嗜學編蒲輯簡有慕長君翰動

墨積懼譏曹植而比年坎壈瑣尾關河成都閉戶乏深湛  
之思汝南擊響虛激清之志祗以平子怨曲文通恨篇自  
古離憂多傳詞賦聊因暇日屬意斯文顰眉自憐敝帚獨  
享亦如魚勞噉沫樹肅號秋蜀靈激楚終慚阿閣之嗜素  
女悲絲非合雲和之韻乃蒙獎借遠檄蕪文欲使蠹蟻埳  
於泰山集牛涔於北海但鄭卿縞帶尙未先施衛風桃李  
末由相報廣嬰鳴於幽谷亦求友聲瞻茹蘆於在阪豈忘  
我卽踴躍旃頡載於瓊瑤計達此書當已春莫惟善節眠  
食勤懋崇名書不盡言略陳情緒

遊牛頭山記

西安城南三十里有牛頭山焉重巖抗屏曲澗交綺繡互  
太乙邈迤斜川誠神臬之靈區秦里之幽境也布政朱公  
以春闈暇日汎招賓僚時則蒨風始和穀雨已過天光登

拙於扶桑明星韜哲於楊柳曙霞藻野宿露溢渠敲轉姓  
雷葢飛晝霧行未禺中已抵山麓土磴蛇蟠巖磴雁列古  
剎紺宇矯出天外門接雲窟牖通誰巢枯僧擘羅梵鍾度  
谷玉女香繞鐙王月澂魚鱗瓦姓惟見金黛剝甲松古純  
成龍蛇怪禽五色禮陀羅之幢迷蜨兩三塗天人之粉鷺  
闕盤鬱花光陰陽鹿宮觚棱紅采上下蔭靡跳露拂末尼  
之日珠縱檜嘯風汎氈華之貝葉絮景積雪三千散其寶  
旒桐華稠星五百飛其佛乳于是秀隋龍嶺斜開虹疏池  
壁半青野鏡一碧翠羽匝樹雌霓飲泉水氣抱岸結爲絳  
衣日華灼波陵此赭景陂麥翻浪則浮雲凝舟石路升雲  
則游騎若鳥寺南數武叢祠青山訪開元之舊間捐少陵  
之遺象廢檻薪橫長廓榭墜藤陰上牆落蘚失翠野疏蒸  
午階堦盡黃離離落英則蘭若春杏沈沈劫灰則元石省

夷俯仰此地鴻固故原御宿通其前曲江經其後一朝塵  
飛萬古炯暝池臺傾夷歌舞委歇蓋滔滔者左逝之川暉  
暉者右馳之日不知灞上金狄已更陸沈長樂鍾虞駢蹟  
榛莽昔人所爲過雍門而歎吧望平原而心驚也夫鄴下  
賓客不忌南皮之遊江東詞人有感山陰之會誠以代謝  
殊時今昔同視趨起斯世已鮮晤言悠悠千載同此面目  
車馬一去秋艸而已故次而記之預斯遊者某某凡十一  
人時嘉慶十有七年三月也

林太孺人誄

維嘉慶十有四年夏六月辛亥陸君繼輅生母林太孺人  
卒嗚呼哀哉風樹急韻春陽逝陰浚都泉咽灰瑋霜侵胡  
云不榮彤華飛焯胡云不傷寒暄戢暑椒焚逾烈膏肓猶  
芬無百歲之樹槩有千秋之貞珉託鍾萬以誄德冀華表

之歸魂其辭曰

猗與節母坤輿粹鍾既稱女師亦曰禮宗生丁不辰弱質  
孤露飄急頽巢雷驚破柱共英寶醴采采琅玕璿靈闕根  
珠池隱源緊維寡姑相依以養餘喘踰躑躅心棘中愴分涓  
沱汜殷旦參畱鄭微蘭姑蕙籛泉邱珩瑀其節紈繡其儀  
炎海飛符左右罄宜三十一年備嶺君子維凶維嘉百禮  
迭紀北海之座東山之堂鶴蓋飛等螳星錯觴秋刈葵足  
春抽韭心冰斯寒澗煙沈夕陰雲封寢巖風勁鍛節嗟我  
所天遽遘閔厄暉暉日月西馳復迴滔滔江流東注終歸  
如何九幽曾不相竝如何三復曾不相應祀辭郊弔黔正  
衾哀泣澤滂腹元雲鮮葩摩笄匪貞傳楹斯淑爰謀覆翼  
爰矜煦育晨禽膠喙母誠振衣兒就外傅朝暾未晞秋蛩  
悉窅母勛緯績見侍宵讀殘月欲黑新綠一束爲兒易滄

短筇三尺候兒倚門見躬清脩溫以笑語見流佻情暢以  
夏楚兒豈不愛先澤是劬兒跼怖泣擲杖而吁陵陰律蘇  
賈魄規耀喬貞翠崧崑葉四照光光喆嗣刷羽 皇闈日  
下名遊有焯其輝母更端憂裁簡作誠譽引誘機才發禍  
械鍾鳴而攷虞默而安翮豐麗繳鱗潛泳淵思再可圖緘  
三可復昔人之辭迺金迺玉陶宗遺璧韋幔傳經箬母懿  
訓冊竹其馨伊何昊天不右聖善璇樞掩芑靈壺駛箭鏗  
縣總帳非復機聲悲蘭泣露斜日空庭蟻封四結蚪松九  
牟述德抒哀素旒永傳嗚呼哀哉

國朝常州駢體文錄卷第二十二